

SCRIPT OF MORNING GOJRI NEWS BULLETIN 17NOV 2025 1015HRS

مارنگ گوجری نیوز بولیشن 17 نومبر 2025

یوہ آکاشوانی جموں ہے باغ علی طاہرتیں خبر سُنو۔

SHAH NORTHERN ZONAL COUNCIL

مرکزی وزیر داخلہ امت شاہ اج ہریانہ غا فریدآباد مانہ شمالی ڈونل کونسل این زیڈ سی غی میٹنگ غی صدارت کریں گا اس میٹنگ مانہ پنجاب ہریانہ تے ہماچل پردیش غا وزرائے اعلیٰ دہلی جموں کشمیر تے لداخ غا لیفٹینٹ گورنر تے چندی گڑھ گا منتظم شامل وین گا کونسل غی اس 32 ویں میٹنگ غے دوران پانی غی تقسیم تے ترقیاتی کماں گا معاملوں ور غور کیا جان غی اُمید ہے۔

LG POLICEMEN

لیفٹینٹ گورنر منوج سنہا نے جموں کشمیر پولیس غا عظم تے پیشہ وارانہ صلاحیت غی یوہ کہتا واں تعریف کی ہے جے اُن غی تیز تر کاروائی غی وجہ نال دہشت گرداں گا برا منصوبہ نانہ ناکام بنایو گیو ہے تے اس راہ پورا ملک مانہ دہشت گردانہ حملوں غا ا منصوبہ غی ناکامی سنگ بے شمار انسانی جان بچائی گئی ہیں جناب سنہا نے اس گل گو اظہار کل شری گورو تیغ بہادر جی غا 350 واں یوم شہادت منایا جان غا سلسلہ مانہ منعقدہ نگر کیرتن مانہ شمولیت غے دوران کہیو۔

NIA ARREST

قومی تحقیقاتی ایجنسی این آئی اے نے لال قلعہ کار بم تماکہ غا سلسلہ مانہ کشمیر غا اک بسنیک عامر رشید علی نانہ دہلی تیں گرفتار کرلیو ہے ایجنسی غے مطابق عامر رشید خود کش حملہ آور عمر بنی سنگ حملو انجام دین مانہ سازش مانہ شامل تھو جس مانہ 10 افراد ہلاک جد کہ 25 دوجا زخمی ہو گیا تھا این آئی اے گو کہنو ہے جے خود کش حملہ مانہ استعمال کی گئی کار عامر رشید غے ناں درج ہے جد کہ دوجی گڈی جہڑی عمر بنی غے ناں درج ہے واہ فارنسک جانچ غی خاطر ضبط کی گئی ہے این آئی اے نے ہُن توڑی کل 73 شاہدین تیں پُچھ کچھ کی ہے جن مانہ اس تماکہ مانہ زخمی ہون آلا افراد وی شامل این اس راہ ایجنسی پولیس نال نزدیکی رابطہ سنگ کئی

ریاستاں مانہہ کم کررئی ہے تانجے وسیع تر سازش غو پتو لاغے ہور مشکوک افراد توڑی پُجیو جاسکے۔

JITENDRA KV RAMKOT

مرکزی وزیر ڈاکٹر جتندر سنگھ نے طالب علماں تے تدریسی عملہ ور زور پایو ہے جے وے مودی سرکار غی طرفوں سکولی بچاں مانہہ جدید ٹیکنالوجی تے کاروبار شروع کرن غی صلاحیت پیدہ کرن غی خاطر ٹیکنالوجی ور مبنی مرعات تے خصوصی سکیمان غو فائدو چاویں ضلع کٹھوعہ گا پہلا تدریسی سیشن غی افتتاحی تقریب سنگ خطاب کرتا واں ڈاکٹر جتندر سنگھ نے کہیو جے ایسا اقدام گو مقصد بچاں غا ذہناں غی شناخت کرغے اُن غی بہتر ذہن سازی کرنو ہے اُنہاں نے 10 تیں 17 سال غی عمر غا بچاں گا والدین تیں اپیل کی ہے جے وے انسپانیر مانک سکیم جیسا گارنٹ پروگراماں تے سکالرشپ سکیمان تیں فائدو چاویں۔

INTL CONFERENCE BHADERWAH

جموں یونیورسٹی غا بھدرواہ کیمپس مانہہ کل تیں منجمد کرہ ور گور بارے دو روزہ تیجی بین العقوامی کانفرنس شروع ہو گئی ہے کانفرنس غے دوران منجمد کرہ تے اس غابھارتی ہمالیائی خطہ غی ماحولیاتی خدمات ملکی نظام تعلیم تے پائیداد ترقی ور پین آلا اثرات ور گور کیو جانگو اس کانفرنس مانہہ سائنسدان ماہرین منصوبہ بندی تے بھارت روس تے جاپان غا ماہرین ہمالیائی کرایو سفیر مانہہ ہون آلی تبدیلیاں تے ماحول تے روزگار ور پین آلا اس غا اثرات بارے غور کریں گا اس موقع ور کانفرنس غا مہمان خصوصی پدم شری چیوانگ پھن سوگ پائیداد ترقی تے دوجا پہلوواں ور اپنا تجرباتی خیالات گو اظہار کریں۔

RAMBAN HANDICRAFTS

دستکاری تے ہتھ کڈی بارے محکمہ کی طرفوں ضلع رام بن مانہہ کارخان دار سکیم جیسا اقدامات غے ذریعے روایتی دستکاری غی بحالی تے کود روزگار گا فروغ غی خاطر کم کیو جارہیو ہے ضلع مانہہ اس خاطر تربیتی مرکز موجوداں جت بکھ بکھ دستکاریاں بارے ہدایت دتی جارئی ہے ان دستکاریاں گا فروغ مانہہ خصوصی توجو ہے روزگار نوجواناں خاصکر خواتین در دتی جارئی ہے ان مرکزیاں مانہہ اعلیٰ کورساں غی تربیت حاصل کر رہیا نوجواناں نانہہ ماہور 7 سو روپیاں غی رقم جد کہ شروعاتی تربیت حاصل کرن آلا نوجواناں نانہہ ماہور 5 سو روپیاں غی رقم سٹافند غا طور ور دتی جارئی ہے عہد یداراں غو کہنو ہے جے ان کوششاں غو مقصد مقامی دستکاریاں گو تحفظ نالے نوجواناں

تے خاصکر کواتین نانہہ بٹر سکھانو تے اُن نانہہ اپنو روز گار قائم کرن غی خاطر مالی امداد مہیا کرانو ہے۔

JMC GREEN COLONY

جموں میونسپل کارپوریشن غا کمشنر ڈاکٹر دیوانس یادو نے واڈ نمبر 50 چھنی ہمت غو دورو کیو تے رہائسیاں تیں گرین کالونی انیشیٹو مانہہ بڈھ چڑھ غے حصولین غی اپیل کی ایور گرین پارک ایسوسی ایشن تیں گل بات کرتا واں اُنہاں نے دسیو کہ یوہ پروگرام سائیس کالونی مانہہ بہت کامیاب رہیو ہے تے لوکاں نانہہ ماہول دوست عادت اپنان غی ضرورت ہے ڈاکٹر یادو نے زور دیتا واں کہیو کہ صاف تے برو بھرو جموں بنان واسطے عوام غو تعاون بہت ضروری ہے۔
